

Die See Custen von EngHELLand/

zwischen Pleymuden vnd Porthland.



N Pleymuden zu segeln binne den stein durch / so nemet den schlach von der Inseln auff fünff vadem mit legem wasser / bis das die Kirche vom Fischer Dorff / in der Westanten des thals siehe / so laufft ihr binne den stein durch. Hinder der selben Inseln / vnd auff dem Lande von Pleymuden, stehet ein maur oder gebaw / wan ihr dasselbe würdet in der lengen zu sehen krigen / vnd die Kirche vom Fischerdorff kame am Nordhoecke des thals zu stehen / so würdet ihr recht auff dē stein segeln / da es mit legem wasser nur drey vadem tieff ist. Man mag hinder der Inseln setzen auff zwelff oder dreyzehen vadem. So man in West Colijford sein will / soll man Westwärts segeln / zwischen der Inseln vnd dem vasten Lande / bis das gatt von West Colijford offen ist / segeln fort mitten wassers zwischen beide lande ein / bis binne dem Westhoecke / vnd setzens da auff neun oder zehen vadem. Item wan man von Rams hoefft abekommet vnd im Catthen gatt sein wol / sol man auff dē hoeck von Pleymuden ansegeln / bis das Catthengatt offen ist / vnd lassen den meiste theil wassers an steurbord / also ein segelnde / bis für bey die Hauen von Pleymuden, vnd setzens allda mitten wassers gegen dem Nordlande / auff vier oder fünff vadem mit legem wasser. An die Westseite der Boerd / vnder der Capen von Rams hoefft bey Nord / rür am Lande / mag mans auch setzen auff zehen vadem / dan es da rein ist.

In Dermuden zu segeln: zeiget sich ein roter hoeck / an die Ostseite der Hauē / vnd auff dē wasser ist ein schwerer hoeck. Im roten hoecke ligt ein grosser weiser stein / wan der selbe stein kommet vber dem schwerer hoecke / so ist man neben der blindē Clipfen / welche für der Vort von Dermuden ligt / der Ostseiten nahe. Aber wan ihr die Kaye vom Dorff sehet / welche an die Ostseite der hauē ist / haltet dan mitten wassers in der Boerd oder Hauen / also das ihr die Kaye raum sehen mügt / segelt dan inwärts bis binnen die zwen Schösserchen / die auff dem orth der Hauen stehen / so mügt ihr den stein nicht besegeln. Binnen ist es ein weite hauen / vnd man mag Westwärts auffweichen / vnd setzens für das Dorff oder den Bratwhawse / wo man woll. Drey meilen von dannen bey Ost: ligt die Keyde von Turbay, da man für einen Südwestē winde beschützt liget / vnd bey Ost Gonster / setz mans auch auff acht oder neun vadem / vnd ist gut anckergrundt.

Vier meilen bey Nord Turbay ligt die inwijck von Toops, da man beschützt ligt / für einen Süden windt / vnd ist gutt anckergrundt auff sibben oder acht vadem. Die von bey West kommen / vnd in Porthland sein wollē / lauffen bey Porthland langes auff zweyer Cabels lengen / vnd segeln vmb dem hoecke Westwärts auff für dem Schlos / da man für einen Süd vnd Süden zum Osten winde beschützt ligt / auff sibben oder acht vadem. Bey Nord Porthland ligt ein tydehauenchen / genennet Weymouth, da man auff vier oder sunff vade für setzen mag. Vnd wers setzen wil binnen S. Andreas Land / muß die Naelden von Pole schewen / vnd segeln fürs Dorff / da mans auff drey vade mit gang legem wasser setzen mag.

Beschreibung der See Küsten von Engblland / zwischen Pleymland und Portbland / mit treben fürnehmsten Häuen in eigentlicher figur.



Landbeschreibung der örter zwischen Pleymüden vnd Porthland.



Diß quartier von Pleymüden biß Porthland ist ein vberauß schöne vnd fruchtbare Gegend / vnd hat ein die Landschafft^{ten} Deuenschire vnd Sommerfetschire, welche allerley prouiant zu des leibes notturfft (so vil ihnen selbst im Land nötig) reichlich außgeben / nemlich Getreide / Rinder / Schaffe / vnd dergleichen Viech. Fürnehmlich / aber Deuenschire an Schaffen vnd der allerköstlichsten Woll oberflüssig / dan es da vol fruchtbarer Berg ist / allenthalbē mit graß vnd schöner weid besetzt / auch voller Brunquellen vnd Fonteynen / in / vnd am Gebürg. Deßhalbē in diesem Deuenschire die allerbesten Karsenen von ganz Engelland gemacht werdē / welche in vberauß grosser mengen / durch die vilheit der Maister vnd Knecht der Karsen Weber / heraußer gefürt / vnd nach die Hauptstatt Londen gebracht werdē / von dannen in alle Land Europæ, auch in Barbarey, vnd zu den Türcken vnd irehn Ländern vberschiffet. Die Kaufleut oder Tuchhändler Teudtschen Landes / wissen zu sagen von Denschir Karsenen / setzen oder nemē das wort Deuenschir kurtz / vnd sagen Denschir Karsenen / dan diese die besten gehalten werden.

Diese theil oder quartier Deuenschire vnd Sommerfetschire seind gar Volckreich / vnd ligen vil vnbemaurte Stät drein. Eß hat auch do vil Adelige vnd hohen Standes Personen / nemlich Grauen / Baronen / Ritter vnd gemeinen Adel / zu des Landes dienst in zeit der not / nutz vnd geschickt. Welche an diesen örten (dan sie sehr lustige vnd schöne Gegend haben) vil Adelige vningen / vnd tägliche kurtzweil treiben könnē / haben Herliche tagt / von Hirsen / Hinden / Reh / auch mancherley klein Bildt. Vnd gebrauchē gar vil die Falcken tagt / in sonderheit zur Sommerzeit / vnd dergleichen. Die einwohner seind sehr wol gesittet / der hohen Obrigkeit zugethan / vnd ihr nahrung ist (neben dem Ackerbau) gemeltes Tuchmachen.

Ob wol nür ein theil des Landes Sommerfetschire sich an diesem quartier erstreckt / wirt es dannach do vnder verfaßt / weil es sich von Deuenschire biß auff der Canalen oder Golfen von Brustou zeucht / welch Brustou gedencck würdig / vnd eine der vornhemste Stät von Engelland ist / süglich vnd wol an einem Arm des Meers gelegen. Aber gleichwol ist do der Kauffhandel nit so gar groß / auß vrsachē das diese Stät keine Inlandische ablauffende Rinnere oder Ströme hatt / durch welchen die wahren vnd Kauffmanschafften können abgefürt / oder zu ander Stät verzogen werden / sondern rondomb im Gebürg ligen / welch mit irehn gewöhnlichen Wagen vnd Ross / schwere führung machet. Da von wyz im theil do Londen ein gelegen / weiter meldung tuhn werden.

Diß Sommerfetschire ist ein Herzogthumb / hatt aber zu dieser zeit keinen Herzog / sondern ihr lezt Herzog was bestalter Protector Weiland Königs Eduardi, vnd ein gutte weil in grossen ansehen des Königs / vnd gunst der Gemeinen / seiner löblichen vnd fürsichtigen Regierung halben. Aber zu lez hat er ein neue ordnung erdacht / welche nach dem sie im Rath angenommen / seines selbst eigenen Tots vrsach war.